

盛明雜劇

三集

柒

ふ

了

孫

不了緣

碧蕉軒主人著

第一齣

雙文一詩
合有此劇
蕭閒澹冶
頗令風人
不謠不傷
之旨

生上 雙鯉迢迢歎索居。去年今際擁離卮。秋風原
上重回首。爲甚潘郎鬢已絲。小生張珙。字君瑞。西
洛人也。向年寓居蒲東普救寺。與崔相國女鶯鶯
成就了好事。荏苒年餘。誰料老夫人違背前盟。半
途變卦。因此上去年今際。走馬長安。倏忽之間。不
覺又殘秋時候了。咳。我想世間功名路窄。兒女情

多、老夫人狠計難堪、俺小姐芳心可矢、怎下得拋撇前來、情史上可不道我薄倖了麼、這幾日間、整頓行裝、待往蒲東探訪一番、一路行來、相望不遠、怎童兒行李還不到也、**丑上**蕭蕭行李一肩擔、出外方知行路難、相公、你休逞長鞭誇捷足、好教我青衣常傍舊征鞍、**生**童兒、你來了麼、**丑**是、相公、你看一路上金風颯、颯、黃葉飛、飛、却好是去年、西行時候了、

新水令
生疎林蕭瑟落晴川。柰離人舊情空眷。幾

家殘照裏。一雁暮雲邊。秋水長天惹遊思。篷似轉。
丑呀。遠遠望見一處處紅的白的。煞是動人也。

駐馬聽

生

只見景物依然。寒郊一派紅深淺。悶懷

淒斷。昏鴉幾點暮爭喧。映閒汀風細白蘋牽。綴踈
籬霜老黃花怨。則俺是賦悲秋楚客吟髭撚。

生童

兒。天色傍晚。你望前面可就近蕭寺麼。

丑

不遠了。

耳邊子聽得噹噹的一派鐘響。山門也望得見了。

落梅風

生

踈鐘外。楊柳烟。鬱崔嵬舊遊禪院。闌跚

馬蹄纔數轉。猛抬頭屹人當面。迤邐行來。此間已

是童兒滯了馬者。我便走到老夫人處問安。您去報長老知道。說俺西洛故人來也。丑應下生寂寂秋深院。屏環半掩塵。尙餘三徑在。無復去年人。呀。怎麼悄悄的重門靜掩。杳無人聲。教俺費尋思也。
甜水令 呀。爲甚呵伊威瞰室。蠨蛸掛戶。敢待我錯認了也。早難道迷津漁子。錯認武陵源。可正是西廂那搭。問病齋頭。待月牆邊。則教我眼模糊半晌難言。

得勝令

生心坎裏似油煎。脚根兒打磨旋。您可是

化朝雲陽臺畔。俺虛待浪乘槎。星漢邊。俄延盼。不見傾城面。纏綿閃不開離恨天。
淨扮香火道人同丑上不識禪玄法。惟供香火緣。相公稽首。
長老在家麼。
淨長老赴齋去了。衆師父都不在寺。道人初到寺中。不識相公高姓大名。
生小生姓張字君瑞。是你長老故交。訪親到此。我且問你一句話兒。你可省得麼。
淨相公請道。

折桂令

生問伊行一段根源。相府閨門。流寓多年。

有那箇品誥夫人。鶯花佐使。風月嬋娟。幾口呵是

何下落。近新來甚處留連。遮莫遷延。俺只是從頭
聽者。您可也費口詳言。淨這個我知道。那小姐早
嫁在鄭尙書府中。與鄭公子爲配。生嫁去了。淨嫁
去了。生這話可真。淨怎麼不真。生還有個侍妾紅
娘呢。淨也隨嫁去了。生老夫人呢。淨老夫人没人
依傍。也搬去鄭府左近住了。

川撥棹

生呀。聽說罷。陡嗚咽。並頭花生吃。剪恨絕。

江淹病足文園。到如今巫女空旋。小宋慳緣甚支。
吾愁眉淚眼。只落得西風腸斷一潸然。

七弟兄。老天可憐。恁無緣。猛罡風打滅。起渡頭花
片。閃得個沒主兒。劉郎望眼穿。等閒間拋却三生
願。淨相公省愁煩。大叔且帶馬兒。後面喂養著。請
相公裏邊少坐。俺長老敢待回來也。生童兒。恁先
收拾進去者。俺待少立片時。則箇丑淨同下。

梅花酒

呀。我向這野寺荒原。盼幾座牆垣。剩一抹

松烟。馬卸却征鞍。琴疊起哀絃。榻下了青氊。燈背
著孤眠。淚汨起流泉。他齊眉雙燕。爾咱搔首獨淒
然。人寂寂。恨綿綿。這相思死銜冤。死銜冤。可人憐。

可人憐。倩誰傳。倩誰傳。付紅箋。付紅箋。訴愁言。訴愁言。達情函。達情函。叩君前。叩君前。續前緣。續前緣。是何年。

收江南是何年。除是再生緣。便再生呵。也爭似得生前。玉容空憶舊時妍。抵牙兒。心自轉。我可甚虛空。摹擬見嬋娟。天色已暝。只索進去波。

沽美酒只索伴孤燈。籠晚烟。坐寒窗。慵待眠。恁便是繡衾香。爇夢留連。會瓜期。浪有緣。則教我冷淒淒。一夜夜。一處處。驚心滅現。果若恁香魂。厮見也。

應和俺些些歡戀。到如今也難說了。我呵說甚麼。
星前月。前金堅石堅。呀。猛思量。怎禁他先上了別。
人船。

雲雨巫山枉斷腸

天涯一望倍堪傷

誰言千里自今夕

離夢杳如關塞長

第二齣

步步嬌

小生半載鴛衾。心醉柔鄉矣。儘粉香花氣。

風流次第宜。旦上甫勾歡娛。怎禁憔悴無事兩眉。

低。小旦問新人爭似秋容麗。更漏子繡衾融。香枕。

賦春占暮秋天氣。零夢斷。曉妝遲。花冠方午啼。
紅樓上。捲簾望。渾似去年情況。愁脉脉。思依依。此
衷誰得知。
〔小生〕小姐。俺與你偎紅倚翠。渾如夢裏
陽臺。暮樂朝歡。豈美天邊瑤闕。妙年佳偶。白首相
莊。平生之願已足。但常見你妝前繡。後飯罷茶餘。
懨懨。如有所思。忽忽。若有所失。端的是何意也。

武武令

〔小生〕

合歡枝。雙雙穩棲。惜花心。星星做美。

將你恭敬。沒些兒失意。因甚的。歛眉峰。褪腰圍。寬
衣帶。將畫闌遍倚。
〔旦〕咳。鄭郎。我女兒家。心性如此。

你、怎、有、許、多、猜、疑、

玉交枝 支愁無計。女兒家。帶小偏。泥翻嫌阿母容。

驕恣慣了。驪珠掌上擎持。小生住的是重樓煖閣。

也儘勾消遣來。旦爲厭紅樓礙夢飛。小生聽的是

玉簫金管。也不落寂寞了。旦生憎紫玉將心碎。旦

小旦背唱介。薄姻緣。憐香。這回舊根苗。疼人那裏。

小生趁此秋光如滴。正好與小姐消遣悶懷。紅娘

進酒。

前腔 澹妝濃綴。助情歡。霜葉披離待一尊。聊托秋

山酹願歲歲年年雙飛。自古道芙蓉不及美人妝。今日看來。則這秋塘上芙蓉掩映。便怎及得你來。爭似你凝艷梢頭未可持。含愁倚處多般麗。旦謝
慇懃閒將品題。怕蒲柳姿今番衰矣。生旅妝上

園林好生意。懸懸蕭郎路歧。望迢迢伊人水湄。始

信道侯門深邃。敢投下雨雲批。敢投下雨雲批。一路行來。此間已是鄭家門首。裏面有人麼。雜扮院
子上舊家門戶重重閉。春色緣何得入來。是那一個。
生煩你通報一聲。說有張解元相公拜訪。係府

上小夫人中表至親、雜應進稟如前介、小生問旦
介旦奴家並沒有甚中表、小旦呀、莫非是張家哥、
麼、旦低首不語、介小生方纔小姐說從沒有甚中
表、如今又是那個張家哥、旦我倒忘了、奴家母親、
是他異派之從母、自幼隔絕、向年同寓普救寺、多
曾會面來、小旦相公還不知道、向年蒲東兵變、若
非張相公解圍焉有今日、小生原來如此、却是恩
舅了、快有請、旦欲迴避介小生既係至戚、何妨相
見、旦奴家有些不耐煩、且暫時迴避則個、旦小旦

下生爲訪鶯鶯特地到此，好不辛苦也。怎麼還沒有人相接？院子出邀請生。小生相見，揖坐。介：生朱門畫戟，欣瞻闕閼名流。小生東箭南金，久慕文章鉅手。生：小弟與令正忝在中表，向失候謁。

好姐姐只因那時崎嶇帝里，剗地裏分離兄妹。不料後來台兄却早乘龍了，標梅及時，賀君偕伉儷。今日呵，歸行李，採取故親，瞻佳婿。休道是三徑無媒浪叩扉。小生原來如此，叫院子傳語後堂，快請小姐相見。院進稟回覆介：夫人說身子不快，不出。